

I.

Dornriesla

Mid derra Deggsdilindusdrie
dao hosda fei frejer aarig aufbassn missn
Iherschda dich verseh hosd
heddich sche a sedda schbidzicha Schbindl geschdochn
und dou heddsdie Schlaofgrangged
af hunnerd Gahr
und nuch drejber naus
wenn nid a Brinz kumma is
und haod der Brinzessin en Schmadzer gäim
middn afs Geschla
Dao kann fei ka Arzanei helfm
und ka Bedribsarzd

Neierdings iss ja nimmer ganz su schlimm
Dao laafm in Deidschland
neinhunnerd Milliona Schbindln
daochanoochd
und es Gahr ejber gibds bluuß
zwelfdausnd Ougliggsfäll
din derra ganzn Deggsdilindusdrie

Bluuß a wing laud iss hald
dinnera seddn Fabrigg
Und die Brinzessinna dunn nimmer schbinna
jednfallz nid dao dinna
wuu dausnd Schbindln
hejnawejderschejßn wej verriggd
Und Brinz kumma immer seldner
mid der Deggsdilindusdrie zamm
nid amaol alla hunnerd Gahr aaner
Denna is zevejl Grach din der Fabrigg
und ze wing Brinzessinna gibs dard

* Zeilen könnten vollgeschrieben werden mit normaler
Zeichensetzung.